

behalte) in die zeit vnd Creaturen: Betrachte erstlich die Natur/was derselben mög-
 lich (solches lernestu so wohl auß der Erfahrung vnd Augenschein/ als vermittelst
 guter vnd Irthumslos/ zum theyl biß daher/ zum theyl noch der Zeit nicht publi-
 cirten Schrifften) darnach die Elementa/ wie sie dardurch operiren das sperma,
 als dann die drey vnderchiedliche Reich der Natur/ minerale, vegetabile, ani-
 male, vnd darinnen endlich widerumb dich selbstens/ von dannen du wider auffstei-
 gest zu Gott dem Allmächtigen deinem Schöpffer/ seine Bramherzigkeit betrach-
 test/ vnd bleibest also in globo veritatis mit sunniglichem Lust Gott vnd seine Crea-
 turen zubetrachten/ doch allzeit das lincke Aug weiter nicht erstreckent/ als des Leibs
 Notturfft vnd proximi commoditas erfordert.

Schau lieber Christ/ dieses ist vnd heist Panlophia Rhodo-staurotica, dieses
 ist des Menschens höchste Perfection in dieser Welt/ darinnen (wie gemelt) alle
 Schatz/ Reichthumb/ vnd Geschicklichkeit verborgen/ ausser welchen nichts/ ohne
 welches nichts auff dem ganzen Erdboden/ alle Theologische Geschicklichkeit/
 Geistlichkeit/ alle Juristische Gerechtigkeit/ alle Medicinische Heylsamkeit/ alle
 Mathematische Subtiligkeit/ alle Ethische/ Politische/ Deconomische Practick/ al-
 le Metaphysische/ Logische/ Rhetorische/ Grammaticalische Spisfindig-
 keit/ In summa alles das/ so der Mensch reden vnd gedencken mag/ ist hierinnen bes-
 griffen/ allein wie vnd auff was Weiß ist nich nöttig hier gleichsam vor die Augen
 zumalen/ vnd jedem muthwilligen Menschen ehrvergessenen Mißbrauch/ hiermit
 Anleytung oder Occasion zu præbieren. Ist aber einer der es Christlich vnd gute
 meynt/ vnd jme das Ergon von Herzen gehet/ wil ich jme mein getrewen Rath ge-
 ben. Er lasse sich ein geringes Gelt nit rewen vnd kauff bey den Buchführern das so-
 pff gemelte köstliche Büchlein Thomæ à Kempis, lese vnd widerlese solches zum
 öffteren/ schick seyn Leben so viel Menschlich vnd möglich darnach an/ ist das jme
 von Herzen gehet/ wirt sich entweder schriftlich oder mündlich (wie im ersten
 Capitel gemeldet worden) bald ein Frater, oder dergleichen mit dem Parergon bey-
 mfinden. Er lasse ihm nur die weyl nicht lang seyn/ vnd erwarte in Gedult/ Hoff-
 nung/ vnd stiller Verschwiegenheit. Die Brüderschafft gehet Gott Lob wider vie-
 ler verhoffen mit macht an/ vnd glaub ich nicht/ daß ein Ort in Europa, da nicht
 zum wenigsten ein Frater, wo nicht mehr verborgen/ doch ist noch nicht zeit allent-
 halben/ laut darvon zuschreyen vnd schreiben/ vmb gewisser Motiuen vnd Ursach-
 willen: Allein vernimbstu mein Schreiben recht/ kanstu selb glücklich auch zu dem
 Parergon fortkommen/ ich hab dir anleytung geben/ so viel als mir gezimbt/ mehr
 kan ich nicht/ mehr darff ich nicht/ ja ich hab dieses zu offenbahren in bedacht ge-
 nommen/ vñ zoer wol nimmer mehr geschehen noch der zeit/ wo nit ein getrewer gut-
 ter Freund mit Christliebendem Ernst vnd Eysser hierumb instendig ein zimliche
 eit hero angehalten/ nimb es derowegen an in trewē vnd gutem/ vnd gedencke daß du
 in kleines scriptum, aber grosses Werck vor dir habest. Deisen zu weyterem Bes-
 icht (weil das reden fürhin verbotten biß auff andere zeit) consular beyligende Figur
 welcher Wahrheit mit aller Welt Gut nicht zubezahlen.

Huc